



Broj: 08-06/4-04.2-3-5409/26

Datum: 21.09.2026. godine

Na osnovu člana 55. Zakona o policijskim službenicima Tuzlanskog kantona - prečišćeni tekst ("Službene novine Tuzlanskog kantona, broj: 7/22, 17/23 i 10/26), člana 66. Zakona o unutrašnjim poslovima Tuzlanskog kantona („Službene novine TK“ broj: 4/10, 5/11, 14/11, 2/12, 8/13, 10/14, 9/15, 13/16, 14/17, 11/18 i 14/18), Odluke Vlade Tuzlanskog kantona za davanje suglasnosti za prijem u radni odnos na neodređeno vrijeme policijskih službenika u Upravi policije broj: 02/1-30-27525/26 od 17.09.2026. godine, Pravilnika o unutrašnjoj organizaciji Ministarstva unutrašnjih poslova Tuzlanskog kantona, broj 08-01-02.2-194/24 od 10.07.2024. godine i broj 08-01-02.2-368/26 od 09.09.2026. godine, Pravilnika o postupku, načinu i rasporedu testiranja kandidata u procesu odabira policijskih službenika u Upravu policije Ministarstva unutrašnjih poslova Tuzlanskog kantona, broj: 08-01-02.2-205/24 od 27.05.2024.godine i Rješenja o imenovanju Komisije za izbor broj: 08-06/4-04.2-3-5409/26 od 18.09.2026. godine, Komisija za izbor, o b j a v l j u j e:

**JAVNI KONKURS - OGLAS
za prijem kandidata u čin "Policajac"
u Upravi policije MUP-a TK**

U ČINU POLICAJAC: kao prvi nivo pristupanja za kandidate sa najmanje završenim IV stepenom školske spreme društvenog ili tehničkog smjera - 300 (tri stotine) izvršilaca.

I - OPŠTI I POSEBNI USLOVI ZA PRIJAVLJIVANJE NA OGLAS:

Opšti uslovi za kandidate:

Kandidati (osobe) moraju ispunjavati opšte uslove propisane članom 52. Zakona o policijskim službenicima Tuzlanskog kantona ("Službene novine Tuzlanskog kantona, broj: 7/22, 17/23 i 10/26 u daljem tekstu: „Zakon“) i to:

- a) državljanstvo Bosne i Hercegovine;
- b) životna dob između 18 i 27 godina;
- c) minimalno IV stepen školske spreme društvenog ili tehničkog smjera;
- d) ljekarsko uvjerenje, ne starije od tri mjeseca, kao dokaz o fizičkoj i psihičkoj sposobnosti za rad;
- e) da nisu otpuštene iz institucije državne uprave ili iz vojne službe u Bosni i Hercegovini kao rezultat disciplinske sankcije;
- f) da protiv njih nije pokrenut krivični postupak i da nije izrečena pravosnažna kazna zatvora za krivično djelo, osim za krivična djela protiv sigurnosti saobraćaja sukladno krivičnom zakonodavstvu.

Komisija će opšti uslov iz tačke f) koji se odnosi na činjenicu krivičnog kažnjavanja utvrditi naknadno po službenoj dužnosti.

Pored opštih uslova, kandidati koji se prijavljuju na Javni konkurs - oglas za popunu upražnjenih radnih mjesta moraju ispunjavati i posebne uslove i to:

Posebni uslovi za kandidate:

- a) da nema sigurnosnih smetnji shodno utvrđenom stepenu tajnosti za radno mjesto u skladu sa Zakonom o zaštiti tajnih podataka;
- b) da je osoba dostojna za obavljanje poslova policijskog službenika.

U skladu sa Pravilnikom o unutrašnjoj organizaciji Ministarstva unutrašnjih poslova Tuzlanskog kantona kandidat za zapošljavanje u Upravu policije mora imati položen vozački ispit "B" kategorije.

II - DOKUMENTACIJA KOJU KANDIDATI MORAJU DOSTAVITI UZ PRIJAVU

Uz prijavu (obrazac) na konkurs - oglas kandidati su dužni dostavili sljedeću dokumentaciju (original ili ovjerena fotokopija):

1. uvjerenje o državljanstvu (pod važećim uvjerenjem o državljanstvu podrazumijeva se uvjerenje koje nije starije od 6 mjeseci);
2. izvod iz matične knjige rođenih;
3. diploma o završenoj školskoj spremi IV stepena školske spreme društvenog ili tehničkog smjera, (nostrificirana diploma, ukoliko škola nije završena u BiH);
4. izjava kandidata ovjerena kod nadležnog organa ili potvrda/uvjerenje poslodavca ili državnog organa ili institucije da kandidat nije otpušten sa bilo koje pozicije u organima državne uprave, institucija sa javnim ovlaštenjima na svim nivoima u Bosni i Hercegovini ili iz vojne službe u Bosni i Hercegovini kao rezultat disciplinske sankcije (NAPOMENA: izjava treba da sadrži sve navedene činjenice iz tačke 4.);

Kandidati koji ostvaruju pravo po osnovu Zakona o dopunskim pravima branilaca i članova njihovih porodica-treći prečišćeni tekst („Službene novine Tuzlanskog kantona", broj: 8/26) i Pravilnika o jedinstvenim kriterijima i pravilima za zapošljavanje branilaca i članova njihovih porodica u institucijama Tuzlanskog kantona („Službene novine Tuzlanskog kantona", broj: 9/14 i 6/15), potrebno je da pored obavezne dokumentacije za prijavu na Javni konkurs - oglas, uz prijavu predaju i dokaz o ispunjavanju uslova iz navedenog Zakona i Pravilnika.

Kandidati su obavezni da uz potpis na Prijavnom obrascu na Javni konkurs - oglas upišu serijski broj lične karte i vozačke dozvole, kao i naziv organa koji je iste izdao, (kandidati koji imaju položen vozački ispit i nalaze se u postupku izdavanja vozačke dozvole potrebno je da na prijavnom obrascu upišu broj i datum uvjerenja o položenom vozačkom ispitu kao i naziv organa koji je istu izdao), a Komisija za izbor će po službenoj dužnosti izvršiti provjeru vjerodostojnosti izdatog dokumenata za kandidate koji budu predloženi za upućivanje na osnovnu policijsku obuku.

Potrebni dokumenti - dokazi o ispunjavanju opštih i posebnih uslova Javnog konkursa - oglasa predaju se u originalu ili ovjerenoj fotokopiji i ne podliježu vraćanju. Kandidati su obavezni uz svoju prijavu predati isključivo dokumentaciju koja se traži ovim Javnim konkursom - oglasom. Nije potrebno dostavljati dokumentaciju kojom se dokazuje ispunjavanje bilo kakvih drugih uslova (kursevi, usavršavanje, obuke i slično).

U slučaju da u dostavljenim podacima, postoje određene nejasnoće koje dovode Komisiju za izbor u dilemu oko ispunjavanja nekih propisanih opštih i posebnih uslova ovog Javnog konkursa-oglasa, Komisija za izbor zadržava pravo da službenim putem zatraži o tome odgovarajuće pojašnjenje ili mišljenje od nadležnih organa, kao i dostavu odgovarajuće dokumentacije koja može poslužiti kao dokaz.

III - ROK I MJESTO PRIJAVLJIVANJA

Prijava na Javni konkurs-oglas, podnosi se na posebnom obrascu (Prijavni obrazac za Javni konkurs - oglas) koji se može preuzeti u sjedištu MUP-a Tuzlanskog kantona, u Tuzli, ulica Turalibegova bb (pisarnica MUP-a TK), kao i na web stranici MUP-a Tuzlanskog kantona. Kandidat je dužan da na Prijavnom obrascu upiše sve tražene podatke, te da potpiše i Saglasnost za korištenje ličnih podataka koja je sastavni dio obrasca - Prijava na Javni konkurs - oglas.

Prijave sa potrebnim dokumentima se predaju u roku od 30 dana od dana posljednjeg objavljivanja Javnog konkursa-oglasa, neposrednom predajom putem Pisarnice MUP-a TK ili preporučenom poštom, na adresu ul. Turalibegova bb, 75000 Tuzla, sa naznakom - za Javni konkurs - oglas za prvi nivo pristupanja u čin „policajac“.

Primjenom odredbi Zakona o zaštiti ličnih podataka („Službeni glasnik BiH“, broj: 12/25), u cilju zaštite ličnih podataka kandidata, svim kandidatima, prilikom prijave na Javni konkurs-oglas, dodijelit će se identifikacioni broj - šifra, umjesto ličnog imena i prezimena, koja će biti na potvrdi o prijemu podneska - prijave i svaki kandidat je dužan čuvati tajnost identifikacionog broja - šifre.

Napomena: Kandidatima koji prijavu na javni konkurs - oglas dostave putem preporučene pošte, dodijeljeni identifikacioni broj - šifra, bit će saopštena putem kontakt telefona iz Prijavnog obrasca, dok će im na prvom testiranju biti uručena potvrda o prijemu prijave - podneska sa dodijeljenim identifikacionim brojem - šifrom.

IV - VRSTE TESTOVA KOJE KANDIDATI POLAŽU

Samo kandidati koji ispunjavaju opšte i posebne uslove iz ovog konkursa - oglasa i koji su blagovremeno dostavili prijave i priložili svu potrebnu dokumentaciju i u Prijavnom obrascu naveli sve tražene podatke, imaju pravo pristupa testiranju po sljedećem redoslijedu:

- a) Pisani test;
- b) Test fizičke sposobnosti;
- c) Drugi test koji policijski organ smatra potrebnim ili opravdanim (intervju i drugi test);

Ukoliko kandidat ne ostvari eliminacioni prag na određenom testu iz tačke a), b) i c) (izuzev intervjuja koji nije eliminatoran) kao i kandidat koji ne pristupi testiranju gubi pravo da pristupi narednom testu i isključuje se iz daljeg izbornog procesa.

Pisani test sastoji se od testa znanja i pisanog rada.

Test znanja sadrži 30 pitanja iz sljedećih oblasti:

- a) ustavni sistem (Bosne i Hercegovine, Federacije Bosne i Hercegovine i Tuzlanskog kantona);
- b) organizacija organa državne uprave;
- c) upravni postupak;
- d) osnove radnog odnosa;
- e) kancelarijsko poslovanje u organima uprave;
- f) Zakon o unutrašnjim poslovima Tuzlanskog kantona;
- g) Zakon o policijskim službenicima Tuzlanskog kantona;
- h) Krivični zakon FBiH;
- i) Zakon o krivičnom postupku FBiH;
- j) Zakon o prekršajima FBiH;
- k) Zakon o oružju i municiji TK-a;
- l) Zakon o osnovama bezbjednosti saobraćaja na putovima u BiH;
- m) Zakon o zaštiti i postupanju sa djecom i maloljetnicima u krivičnom postupku i
- n) Zakon o zaštiti od nasilja u porodici i nasilja prema ženama u FBiH.

Test znanja sadrži pitanja sa liste pitanja koja za tekuću godinu utvrđuje direktor Uprave policije, i koja su objavljena na zvaničnoj Internet stranici Uprave policije najmanje mjesec dana prije početka testiranja.

Za svako pitanje na testu znanja ponuđena su tri ili četiri opcijska odgovora od kojih je samo jedan tačan. Kandidat prilikom rješavanja testa znanja treba odgovoriti na svako pitanje označavanjem samo jedne opcije. Vrijeme trajanja pisanog testa je 60 minuta. Svaki tačan odgovor na pitanje ocjenjuje se sa jednim bodom i kandidat na testu znanja može osvojiti ukupno 30 bodova.

U pisanom radu kandidati opisuju zadatu temu u vidu kratkog teksta. Kriteriji za ocjenu pisanog rada su: vještina pisanja i izražavanja (zadata tema, kompozicija teksta, pravopis i gramatika).

Bodovi za pisani rad se dodjeljuju tako što svaki član komisije kandidatu dodjeljuje bodove u rasponu od 1 do 3 boda. Konačan rezultat pisanog rada predstavlja zbir bodova koje su članovi komisije dodijelili podijeljen sa brojem članova komisije. Ukoliko se dobije broj sa zarezom, koristi se matematička metoda zaokruživanja na cijeli bod.

Konačan rezultat pisanog testa, dobija se sabiranjem bodova ostvarenih na testu znanja i pisanom radu i kandidat može maksimalno ostvariti 33 boda (30+3).

Eliminacioni prag predstavlja onaj broj bodova koji je dovoljan za uspjeh kandidata na testu i sticanje prava za pristupanje narednom testu. Eliminacioni prag za pisani test predstavlja: 60% od maksimalnog broja bodova koji se mogu ostvariti u ovoj vrsti testa;

Ukoliko se dobije broj bodova sa zarezom, koristi se matematička metoda zaokruživanja na cijeli broj.

Test fizičke sposobnosti obuhvata četiri discipline i provodi se prema standardima fizičke sposobnosti prema kriterijima utvrđenim u Pravilnika o postupku, načinu i rasporedu testiranja kandidata u procesu odabira policijskih službenika u Upravu policije Ministarstva unutrašnjih poslova Tuzlanskog kantona.

Utvrđeni standardi fizičke sposobnosti uvažavaju tjelesne sposobnosti uzrokovane biološkim razlikama između muškaraca i žena.

Kandidat je obavezan prije pristupanja testu fizičke sposobnosti potpisati Izjavu da dobrovoljno pristupa testu fizičke sposobnosti, te da je upoznat da u slučaju povređivanja policijski organ ne snosi nikakvu odgovornost. Kandidati se testiraju u sportskoj opremi (trenerka, patike, majica, sportski šorts i si.). Kandidat na testu fizičke sposobnosti može ostvariti maksimalno 20 bodova.

Kandidat koji uspješno završi pisani test i test fizičke sposobnosti pristupa na **intervju**, koji se sastoji od direktnog razgovora sa kandidatom u trajanju do 5 minuta, gdje članovi komisije kandidatu postavljaju pet pitanja ukupno. Pitanja na intervjuu omogućavaju da se o kandidatu stekne objektivna slika u odnosu na njegove sposobnosti da se školuje i osposobi za rad, uključujući stil izražavanja, vanjski izgled, urednost, spretnost u konverzaciji, afinitetu za timski rad, stepen tolerancije (kulturne, etničke, spolne, međunacionalne, religijske i dr.) postignute uspjehe u nauci, umjetnosti i sportu i dr. Bodovanje intervjuja se vrši tako što se za svaki tačan odgovor kandidatu dodjeljuje od jedan do pet bodova. Rezultat intervjuja predstavlja zbir bodova koje su dali članovi komisije podijeljen sa brojem članova Komisije, te tako kandidat na intervjuu može osvojiti do pet bodova. Ukoliko se dobije broj sa zarezom, koristi se matematička metoda zaokruživanja na cijeli bod. Rezultati ostvareni na intervjuu nisu eliminatorni.

Obavješćavanje kandidata o vremenu i rasporedu testiranja, obavljanju intervjuja, listi kandidata koji ne ispunjavaju opšte i posebne uslove, bodovnoj listi sa rezultatima postignutim na svakom testu, kao i konačnim rezultatima svih kandidata koji su pristupili testovima Komisija za izbor objavljuje na oglasnoj ploči i internet stranici MUP-a TK na način da će se umjesto ličnog imena i prezimena, objavljujati dodijeljeni identifikacioni broj - šifra kandidata i to najkasnije u roku od 30 dana od dana posljednjeg testiranja. Na bodovnoj listi navode se i kandidati koji su uspješno završili testiranje i kandidati koji su predloženi za osnovnu obuku za kadete. Istovremeno sa objavljivanjem bodovne liste objavljuje se i lista kandidata koji nisu pristupili testiranju ili nisu zadovoljili jedan od testova i koji su isključeni iz daljeg postupka izbora, sa naznačenjem razloga isključenja.

Kandidat koji je pristupio testiranju može ostvariti uvid u svoje testove.

U roku od 8 dana od dana objavljivanja navedenih listi, svaki kandidat može izjaviti žalbu Policijskom odboru MUP-a TK. Nakon što Policijski odbor odluči o svim podnesenim žalbama, Komisija za izbor pokreće postupak provjere dostojnosti, putem Komisije za ocjenu dostojnosti, u skladu sa Pravilnikom o načinu provjere dostojnosti za obavljanje poslova policijskog službenika Uprave policije MUP-a TK. Na postupak provjere dostojnosti upućuje se potreban broj kandidata sa bodovne liste. Ukoliko se za nekog od kandidata utvrdi da nije dostojan za obavljanje policijskih poslova, isključuje se iz postupka izbora, te se na ocjenu dostojnosti upućuje sljedeći kandidat sa najviše ostvarenih bodova.

Kandidate za koje je utvrđeno da su dostojni za obavljanje policijskih poslova, a koji su ostvarili najveći broj bodova, Komisija za izbor upućuje na ljekarski pregled u ovlaštenu zdravstvenu ustanovu. Na ljekarski pregled upućuju se dostojni kandidati. Ukoliko kandidat od strane ljekarske komisije bude ocijenjen "nesposoban" isti se isključuje iz daljeg postupka za zapošljavanje, te se na ljekarski pregled upućuje sljedeći dostojni kandidat. Ljekarski pregledi kandidata obavljaju se u skladu sa Pravilnikom o kriterijima i načinu utvrđivanja zdravstvene sposobnosti policijskih službenika i kandidata koji se upućuju na zdravstveni pregled.

Po okončanju žalbenog postupka Komisija za izbor sačinjava listu kandidata predloženih za osnovnu obuku za kadete koju, nakon odobravanja od strane direktora Uprave policije, objavljuje na oglasnoj ploči i internet stranici MUP-a TK, nakon čega se kandidati podvrgavaju sigurnosnim provjerama u skladu sa Zakonom o zaštiti tajnih podataka. Nakon prijema konačne i obavezujuće odluke o sigurnosnim provjerama, Komisija za izbor objavljuje na oglasnoj ploči MUP-a TK, kao i na web stranici MUP TK-a, konačnu listu kandidata koji će biti upućeni na osnovnu obuku za kadete, što će biti uređeno Ugovorom o međusobnim pravima i obavezama.

Ukoliko se utvrdi da postoje sigurnosne smetnje kandidat se ne uvrštava u konačnu listu kandidata upućenih za osnovnu obuku za kadete i isključuje se iz dalje procedure, a upražnjena pozicija se ne popunjava sa drugim kandidatom koji je učestvovao u proceduri.

Kandidati su dužni postupati u skladu sa navedenim obavijestima Komisije, jer u slučaju nepostupanja po pomenutim obavijestima, smatrat će se daje kandidat odustao od prijave na Javni konkurs - oglas.

Trajanje osnovne obuke za kadete za čin policajac je pet mjeseci, a po preuzimanju dužnosti policijski službenik je na probnom radu. Probni rad policijskih službenika obuhvata uvođenje u posao i radni period koji ukupno traje 12 mjeseci, osim ako nije drugačije određeno ovim zakonom.

Sve dodatne informacije u vezi navedenog Javnog konkursa-oglasa, mogu se dobiti svakim radnim danom od 08:00 do 16:00 sati, pozivom na broj telefona 035/365-365, Lokal 173 - press služba MUP-a TK.

Konkurs - oglas se objavljuje u najmanje tri dnevna lista koja se distribuiraju širom Bosne i Hercegovine i ostaje otvoren 30 (trideset) dana od dana posljednjeg objavljivanja konkursa - oglas.

Napomena: Važeći zakonski i podzakonski propisi na osnovu kojih će se sprovoditi konkursna procedura prijema u policijski organ, objavljeni su na zvaničnoj internet stranici MUP-a TK.

Neblagovremene, neuredne i nepotpune prijave Komisija za izbor neće uzeti u razmatranje.

KOMISIJA ZA IZBOR